



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 748, Datë 19.11.2020

“Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “DELTA PHARMA - AL” SHPK”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Znj. Adriana BERBERI	Anëtar
Z. Eduard YPI	Anëtar
Z. Helidon BUSHATI	Anëtar

Në mbledhjen e tij të datës 19.11.2020, shqyrtoi çështjen me:

Objekti: Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “DELTA PHARMA - AL” SHPK.

Baza Ligjore: Neni 4, neni 24, shkronja (d), neni 26, neni 35, neni 36 dhe neni 44, të Ligjit nr. 9121, datë 28.07.2003 “Për mbrojtjen e konkurrencës”, i ndryshuar (Ligji nr. 9121/2003).

Komisioni i Konkurrencës, pas shqyrtimit të relacionit të Sekretarit të Përgjithshëm mbi zbatimin e pikës “IV” të VKK nr. 717, datë 15.10.2020.

VËREN SE :

- 1- Komisioni i Konkurrencës me Vendimin nr. 684, datë 18.03.2020 “Për hapjen e hetimit paraprak në tregun e shitjes me shumicë dhe me pakicë të materialeve paramjekësore”, vendosi hapjen e procedurës së hetimit paraprak në tregun e shitjes me shumicë dhe me pakicë të materialeve paramjekësore, për të parë nëse ka, ose jo, shenja të kufizimit të konkurrencës.
- 2- Komisioni i Konkurrencës me vendimin nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, vendosi:
 - i. Marrjen e masës së përkohshme si vijon:
 - a. Ndalimin e sjelljes së ndërmarrjeve që veprojnë në rrjetin e tregtimit me shumicë dhe pakicë (importues, depo farmaceutike dhe farmaci) të materialeve paramjekësore, të cilat në mënyrë të drejtpërdrejtë apo të tërthortë vendosin çmime apo kushte të padrejta tregtimi.

- b. Me qëllim shmangien e abuzimit në zinxhirin e tregtimit, detyrimin e të gjitha ndërmarrjeve që veprojnë në tregun e importit dhe shitjes me shumicë të materialeve paramjekësore të jenë transparent në vendosjen e çmimit të shitjes së materialeve dezinfektant, alkool dhe maska.
 - c. Aplikimin e çmimeve të orientuara drejt kostos dhe publikimit e tyre në faqet zyrtare të internetit të ndërmarrjeve apo në kanalet e tjera të komunikimit.
 - ii. Masa e përkohshme merret për një periudhë kohore deri në përfundim të procedurës hetimore.
 - d. Në rast të moszbatimit të vendimit për masa të përkohshme të cituara në pikën (1) të këtij vendimi, ndërmarrjet që do të konstatohen në shkelje ndëshkohen me gjobë deri në 10 % të xhiros vjetore për shkelje të rëndë të konkurrencës në zbatim të nenit 74, pika 1, germa b) të ligjit nr. 9121/2003.
- 3- Në kuadër të vlerësimit të masës së përkohshme, gjatë procedurës së hetimit paraprak, referuar informacionit të administruar pranë AK, është analizuar sjellja e ndërmarrjeve që operojnë në tregun e tregtimit me shumicë të materialeve paramjekësore për produktet maska, alkool dhe gel-dezinfektant.
 - 4- Autoriteti i Konkurrencës me shkresën nr. 110/20 prot., datë 26.5.2020 “Kërkesë për informacion”, i është drejtuar ndërmarrjes “DELTA PHARMA - AL”, në lidhje me shitblerjet analitike për periudhën 1 janar 2020 deri 31 maj 2020, me afat për kthim-përgjigje brenda datës 10.06.2020. Ndërmarrja “DELTA PHARMA - AL” nuk i është përgjigjur kërkesës për informacion të Autoriteti të Konkurrencës.
 - 5- Për sa më sipër, mosbashkëpunimi me Autoritetin e Konkurrencës gjatë procedurës së hetimit paraprak në tregun e shitjes me shumice dhe pakicë të materialeve paramjekësore, vlerësohet si rrethanë rënduese në sjelljen e tyre.
 - 6- Komisioni i Konkurrencës në vijim të procedurave të mësipërme u shpreh me Vendimin nr. 717, datë 15.10.2020 “Për vendosje gjobe dhe dhënien e disa detyrimeve ndaj disa ndërmarrjeve për mos zbatimin e masës së përkohshme të VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore””.
 - 7- Në zbatim të pikës IV të Vendimit nr. 717, datë 15.10.2020, bazuar në Autorizimet e Komisionit të Konkurrencës nr. 110/44 datë 24.8.2020 dhe nr. 110/50 datë 19.10.2020, në datën 21.10.2020 u krye inspektim pranë ndërmarrjes “DELTA PHARMA - AL” SHPK.
 - 8- Gjatë këtij inspektimi ndërmarrja “DELTA PHARMA - AL” SHPK mori njoftim mbi Vendimin e Komisionit të Konkurrencës nr. 716, datë 15.10.2020 “Për hapjen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave”.
 - 9- Sipas procesverbalit për marrje shpjegimesh me pyetje-përgjigje në përputhje me nenin 35 dhe 36 të ligjit nr. 9121, datë 28.7.2003 “Për mbrojtjen e konkurrencës”, i ndryshuar, u morën në dorëzim dokumentat dhe provat materiale të kërkuara nga grupi i inspektimit.

10- Të dhënat e siguruar në formë fizike dhe elektronike, u përpunuan nga inspektorët e Autoritetit të Konkurrencës, duke krahasuar deklaratat e subjektit me shit-blerjet e realizuara nga kjo ndërmarrje. Bazuar në të dhënat e administruara gjatë inspektimit, rezulton se ndërmarrja “DELTA PHARMA - AL” SHPK vetëm në muajin maj 2020 ka shitur një sasi prej 1 458 gel dezinfektant të paketimit 80 ml, me çmim konstant prej 154.32 lek/copa.

11- Ndërmarrja “DELTA PHARMA - AL” SHPK nuk ka realizuar shitje të produkteve maska dhe alkool për periudhën 1 janar 2020 deri në 31 maj 2020.

PËR KËTO ARSYE:

Komisioni i Konkurrencës, bazuar në nenin 4, nenin 24, shkronja (d), nenin 26, nenin 35, nenin 36 dhe nenin 44 të Ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

- I. Hyrjen në fuqi të gjobës për ndërmarrjen “DELTA PHARMA - AL” SHPK për mosdhënie informacioni në shumën 2 000 000 (dy milion) Lekë.
- II. Detyrimin e ndërmarrjes “DELTA PHARMA - AL” SHPK të zbatojë nenin 4 të ligjit nr. 9121, datë 28.7.2003 “Për mbrojtjen e konkurrencës”, i ndryshuar.
- III. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.

KOMISIONI I KONKURRENCËS